

Naše umjetnice uživaju volontirajući u Visokom

Amela Radan i Bisera Boškailo pomažu u iskopavanju bosanskih piramida

One su u okviru modno-poetskog performansa „Bezvremena Bosna“ došle na iskopavanje da bi s lica mjesta ponijele utiske, inspiraciju i energiju za ovaj projekt

Među mnogobrojnim strancima iz cijelog svijeta koji su došli da pomognu iskopavanju na bosanskim piramidama u Visokom sreli smo i naše dvije umjetnice, modnu dizajnericu Amelu Radan i književnicu Biseru Boškailo, koja živi u Njemačkoj.

One su u okviru modno-poetskog performansa „Bezvremena Bosna“ došle na iskopavanje da bi s lica mjesta ponijele utiske, inspiraciju i energiju za ovaj projekt, na kojem rade i koji će uz modno-poetsku reviju obići svijet.

- Osim motiva bh. rijeka naslikanih na svilenim kreacijama i haljinama, stećaka, bosančice i drugih motiva iz duhovne historije Bosne, njenog jezika i pisma i kulture, naći će se i kolekcija s piramidama iz Visokog. Svi bismo trebali i morali dati doprinos ovom projektu piramida, a najmanje što možemo učiniti jeste da ga u potpunosti prihvatimo. Zašto ne bismo vjerovali da je zaista riječ o piramidama kada cijeli svijet stručnjaka to potvrđuje raznim naučnim dokazima - rekla nam je Radan.

Boškailo napominje da je za nekoliko dana, koli-



Rad im ne pada teško

ko radi na piramidama, upoznala ljude iz cijelog svijeta.

- Bilo je doktora, arhite-

kata, pravnika, studenata... Svi su oduševljeni ovim što su vidjeli i osjetili. U ovim tunelima ne osjećate ni glad,

ni žeđ, ni umor, ni bolest. Uvjerena sam da su ovo zaista piramide jer čovjek ne može da ne vjeruje u nešto



Radan i Boškailo: Zajednički projekt

što vidi svojim očima - kazala nam je Bisera.

Obje su bile začudene da među brojnim volonterima

ima veoma malo naših ljudi, a toliko ih je nezaposleno i ne znaju šta će od dosade.

A. J.